

Nuna tamakkerlugu illuutini ilusilersuisarnermut, illuliortaatsinut, politikimik ineriartortitsinissamut suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortamit Erik Jensen, Siumut, saqqummiunneqarpoq

pillugu

Sanaartornermut Ataatsimiititaliap

siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Gerth Mikaelson, Naleraq, siulittaasup tullia
Inatsisartunut ilaasortaq Jørgen Rosbach, Demokraatit
Inatsisartunut ilaasortaq Nivi Heilmann Efraimsen, Inuit Ataqatigiit
Inatsisartunut ilaasortaq Bentiaaraq Ottosen, Atassut

UKA2025-mi ulloq 16. oktober siullermeerinninnerup kingorna siunnersuut ataatsimiititaliamit misissuataarneqarpoq.

Siunnersuutip imarisai siunertaalu

6. september 2024 (UKA2024/91) apeqquteqaatit tunngavigalugit oqallinneq siunnersuuteqartumit innersuussutigineqarpoq, tassani nunatsinni nuna tamakkerlugu illuutini ilusilersuisarnermut politikkeqartariaqarnermik isiginnittaaseq taparserneqartoq malugineqarpoq, siunissami illoqarfinnik ineriartortitsinissamut, sanaartugassanut kinaassutsimullu takussaasumut ataatsimut takorluukkap allaaserineqarnissaanut.

Siunnersuutip Inatsisartuni siullermeernejarnera

Siunnersuut tigulluarneqarpoq partiinillu Demokraatinit, Siumumit aamma Atassummit Kultureqarnermut Ilinniartitaanermut Ilisimatusarnermut Ilageeqarnermullu Ataatsimiititaliamut innersuunneqarpoq.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi aalajangersarneqarpoq aalajangiiffigisassatut siunnersuutip timitalerneqarnerata aningaasatigut allaffissornikkullu kingunerisassai siunnersuummut tunngavilersuutini allaaserineqarsimassasut.

Siunnersuutip piviusunngortinneqarnissanut aningaasatigut kingunerisassat matumani allanneqarsimani siunnersuummut naapertuunna ataatsimiititaliamit maluginiarneqarpoq. Siunnersuummik suliaqarnermut ukiumi ataatsimi allaffissornikkut piareersarnermut ingerlatsiner AC-mik ilinniarsimasup nalinganik, tassalu 500.000 kr.-ninik naleqarumaartoq naatsorsuutigineqarpoq.

Tamatuma kingorna inuit ilisimasallit siunnersortillu pisariaqartinneqarumaarput. Piareersaanerup kinguneratigut suliaq aallarereerpat pisariaqartinneqartut ersarinnerulerumaartut siunnersuuteqartumit naatsorsuutigineqarpoq Naalakkersuisullu pisariaqartitsineq naapertorlugu naliliisoqarsimatillugulu aningaasalersuinissamik siunnersuuteqartarumaartut ingerlaavartumillu Inatsisartunik ilisimatitsisarumaartut siunnersuuteqartumit naatsorsuutigineqarpoq.

Ataatsimiititaliap siunnersuummut oqaaseqaatai

Suliassaq periusissiorfiusumik, siunissamullu ungasinnerusumut aqqissuunneqartariaqartoq Naalakkersuisunit oqaatigineqarmat ataatsimiititaliamit naammagisimaarneqartorujussuuvoq. Alloriarnerlu siulleq tassaasariaqartoq, periusissiorfiusumik pilersaarusiornissaq siullertut suliassaasariaqartoq, tassanilu tunniussivissat ersaritsillugit suliassat agguataarneqassallutik, soorluttaaq ingerlatsisut attuumassutillit, inuiaqatigiillu siammasissumik oqaloqatigineqarnissaat.

Takorluukkatsinnik qanoq piviusunngortitsiartuaarsinnaanissatsinnut, pilersaarut taamak ittoq piviusorsiorpalaartunik sinaakkutissiissaaq, soorluttaaq nukiit siunnerfilimmik atorineqassasut Naalakkersuisut oqarnerat ataatsimiititaliamit tamakkiisumik isumaqatigineqarpoq.

Ataatsimiititaliap inassuteqaatai

- Ataatsimiititaliap isumaqatigiittup siunnersuutigineqartoq akuerineqassasooq inassutigaa

Taamatut oqaaseqaateqarluni isumaliutissiissummilu allassimasutut paasinnilluni
ataatsimiititaliap siunnersuut aappassaaniigassanngortippaa.

Justus Hansen
Siulittaasoq

Gerth Mikaelson
Siulittaasup tullia

Jørgen Rosbach

Nivi Heilmann Efraimsen

Bentiarag Ottosen